

香港文匯報訊（記者 何西）紅磡和土瓜灣一帶近年成為內地旅行團熱衷光顧的地區，在旅遊高峰時期，街道更經常出現人擠人的情況。「議會陣線」立法會議員毛孟靜（毛婆）昨日聯同多個反對派組織以至「港獨」分子到土瓜灣遊行示威，稱要限制旅客人次及「源頭減人」。建制派立法會議員批評，毛孟靜等人的行為旨在挑起兩地矛盾，從而讓反對派有更大的政治本錢，同時呼籲他們應提出具建設的建議解決問題，而並非火上加油。

區議會選舉近了，各反對派組織紛紛蒲頭，要做實事就難啫，要搶鏡嘅話，難度相對比較低，尤其是挑起矛盾嘅行動，更係鎂光燈寵兒。毛孟靜昨日就夥同由幾個反對派以至「港獨」組織，包括「九龍角落」、「紅土家」、「紅磡人 紅磡事」、「人口政策關注組」、「維修香港」、「北區水貨客關注組」等，組成嘅所謂「陸客逼爆九龍城關注組」發起遊行，領頭者幾乎全部都係有意角逐今年區議會選舉者，「學生獨立聯盟」召集人陳家駒亦有現身支持。佢哋高舉所謂「源頭減客」嘅標語，聲稱九龍城區近年有越來越多專門接待內地旅客的商舖，而過多旅客聚集，亦對居民造成滋擾，要求政府正視居民訴求，為訪港旅客以至區內店舖數目「封頂」，並研究即日來回的出入境

趕客搞破壞 反對派「倒米」

毛婆勾「獨」遊行毀港譽 建制批挑矛盾撈本錢

稅項等等，以「恢復區內社會安寧」云云。

陳勇：煽風點火無建設

港區全國人大代表陳勇昨日在接受香港文匯報訪問時表示，香港過往作為國際間對旅客最友善的旅遊之都，現在卻因反對派的種種欺凌旅客行為，令香港蒙上「趕客之都」的污名。

他對紅磡和土瓜灣一帶居民的困擾表示理解，亦同意旅客區及住宅區應分開規劃，但認為不應針對旅客，否則只是在搞衰香港。

陳勇批評，毛孟靜等人的所作所為是在「倒米」，而作為議員，理應要向政府提出各種建設性的建議，如民建聯先前所提出的分流措施，從而讓社會規劃有更好秩序，但毛孟靜等人只懂煽風點火，挑起兩地矛盾，毫無建設，實為「政治恐怖分子」。

葛珮帆：累港形象受損

民建聯立法會議員葛珮帆對於毛孟靜等人的做法感到不齒，並強調有關地區面對問題

時，應該要提出建設性的方法解決，如日前提出將旅客分流至新田購物城的方案等。

她強調，旅遊業是香港4大經濟支柱之一，而他們的行為顯然是令香港「好客之都」的形象受損，令依靠旅遊業維生的小商戶或中小企受影響，批評是「有破壞冇建設」。

葛珮帆並批評毛孟靜常云「公義」、「平等」等口號，但卻又聯同「港獨」分子挑起兩地矛盾，把握每個機會「逢中必反」，反映了「行動就最誠實」。

何俊賢：應從政策規劃

民建聯立法會議員何俊賢表示，本來維護市民生活環境是理所當然的，民建聯亦非常關注有關的問題，但毛孟靜的手法明顯是完全錯誤，而帶同「港獨」分子更是錯上加錯。

他直言，落區趕走旅客是不文明的行為，亦無助解決問題，更會令國際社會質疑香港人的質素，故應當從政策及行業規劃入手解決問題才是正途。

何俊賢又指，示威者所提到「源頭減



■毛孟靜及多個反對派團體到土瓜灣舉行反內地旅客遊行。



■陳家駒（左二）亦加入示威行列。

fb 圖片
工聯會立法會議員何啟明指出，紅磡和土瓜灣一帶在規劃上出現問題，因為責任在於政府而並非旅客。他認為毛孟靜的行為顯然是要挑撥兩地之間的矛盾，只會令問題愈演愈烈，直言反對派是次行動只是在於抽政治油水，並強調這種行為絕不應該在香港發生。

何啟明：為抽政治油水

寧搶焦點搞遊行 電話廷懶理居民



■鄧家彪發帖促林卓廷「上水」。

區選近了，平時唔理地區事務嘅反對派議員，唔少都撲出嚟搞大龍鳳，「人格卑劣」嘅民主黨新界東立法會議員、北區區議員電話廷（林卓廷）當然都係做吓嘢，但佢平時有做開，加上要爭鎂光燈，梗唔

會「真做」啦，所以就揀咗最慳水慳力嘅「反水貨客大遊行」，而係佢「勢力範圍」內嘅馬鞍山錦英苑，內部嘅業主立案法團選舉引起居民猛烈批評，佢就一於少理囉。鬼咩，俾人批評嗰個法團負責人係佢friend嘅，睇怕亦幫佢做咗唔少嘢，但佢係唔會自斷一臂啦！

漠視「貪腐法團」親「禍首」糖竊豆

民主黨新界東支部之前近六十人退黨，其中一個就係錦英苑當區議員丁仕元。佢嘅記者會上狠批電話廷，話該法團顧問黃國雄係2004年因為向村巴索賄而被判入獄，但出獄後竟然可以繼續做法團顧問。佢當時認為咁樣唔妥，所以就請成日口口聲聲話要反屋苑

貪污嘅電話廷幫手，結果電話廷竟然同對方好老友。丁仕元當時話：「林卓廷喺我眼中係雙重標準、瞞上欺下、專橫霸道的人。」

好嘞，錦英苑業主立案法團即將選舉，近日爆出咗好多爭拗，法團最後竟然安排咗喺呢個月14號星期一嘅下晝3時搞選舉，擺明唔想咁多業主親身出席啦，仲揭發有人涉嫌假造業主授權書，仲有人阻撓工作人員核對業主資料。丁仕元聲稱對開會嘅安排不滿，但都係私怨行先，話雖然佢反對黃國雄先生繼續出任法團顧問，仲叫人親身出席大會，但就話出嚟選嘅另一team人係「民建聯」支持個嘅，所以佢「唔會為任何一方站台」。

退黨時鬧電話廷就咬牙切齒，到緊要關頭

就置身事外，拒絕幫手趕走呢個佢口中嘅「貪腐法團」，當然引起唔少居民不滿。「King Low Po」就揶揄：「丁議員你就叻啦，一句退出就咩都唔關你事……明知冇水抽咪索性咩都唔理囉，仲好話自己係我地（哋）區議員㗎！」「Teresa Yeung」亦話：「借問聲退出前和退出後在錦英有什麼明顯的分別？退黨後理應自由度更寬更廣才對，但為何我見唔到有顯著分別？」

阿彪發帖「尋人」促林卓廷「上水」

丁仕元袖手旁觀，咁係咪應該由電話廷呢個始作俑者出嚟搞返掂先？但電話廷由頭到尾都唔肯出聲，寧願去搞可以吸引到傳媒眼球嘅「反水貨客」遊行囉。

工聯會新界東辦事處總幹事鄧家彪就發帖「尋人」：「唔知林卓廷會唔會幫錦英苑小

業主踢走無×不作的法團管委會呢？其實法團揀星期一下午開改選的業主大會，博業主返工唔出席，司馬昭之心，路人皆見。……林卓廷，你又去咗邊呢？唔好偏心幫法團欺負小業主。」

佢仲標註質疑有人喺度「抹黑參選委員街坊」、「滋擾授權街坊」。

不過，有人又再出花樣，喺開會前一日突然發出有關「業主大會因場地安排突然出現問題而被迫取消」嘅通告，話原先認住用嚟開會嘅利安社區會堂個場地有問題㗎。可能見置身事外嘅反應唔好，丁仕元今次又好「勇」咁撲出嚟，話自己check過民政事務處，個場無問題嘅，懷疑有人提供虛假資料，前日仲走咗去報警。

話時話，花生越來越多，電話廷幾時先肯蒲頭呢？

■香港文匯報記者 陳川



熱烈祝賀 香港大公文匯傳媒集團 成立3周年



致意